



SURAT KHABAR	:	SINAR HARIAN	
TARIKH	:	1/5/2019	MUKA SURAT : 13
JABATAN	:	KATS / YBM / PERHILITAN	
KLASIFIKASI	:	PERHATIAN	

Lupus gading gajah RM13.26 juta

Malaysia jadi hab transportasi sindiket sebelum ke negara luar

NORAFIDAH ASSAN

SEREMBAN

Gading gajah seberat 3.92 tan bernilai RM13.26 juta dipusikan di Pusat Kualiti Alam, semalam.

Menteri Air, Tanah dan Sumber Asli (KATS), Dr Xavier Jayakumar berkata, Kementerian menerusi Jabatan Perlindungan Hidupan Liar dan Taman Negara (Perhilitan) menerima serahan barang kes hidupan liar itu daripada Jabatan Kastam Diraja Malaysia (JKDM) dan agensi

lain.

"Gading gajah bukan daripada gajah tempatan, sebaliknya dari Afrika dan menjadikan negara ini sebagai hab transportasi sebelum dihantar ke negara lain seperti Vietnam, Cina dan Hong Kong.

"Malaysia yang merupakan ahli dalam Convention on International Trade in Endangered Species of Wild Fauna dan Flora (CITES) sejak 1978.

"Komitmen kerajaan terhadap tanggungjawab antarabangsa di bawah CITES untuk mengatasi isu perdagangan gading gajah haram," katanya pada sidang media pelupusan daripada Pusat Kualiti Alam di sini semalam.

Katanya, bagi isu pemerdagangan gading di Malaysia sebanyak 15 kes rampasan telah dilakukan



Xavier (tengah) melihat gading gajah sebelum dilupuskan di Pusat Kualiti Alam semalam.

dari 2011 hingga 2017.

"Daripada jumlah tersebut, berat bagi gading lengkap dan separa gading ialah 3,692.4 kilogram (kg) manakala jumlah produk gading separa siap 228,89kg.

"Kaedah pelupusan barang kes yang ditetapkan adalah pembakaran bagi memastikan stok yang dirampas ini tidak kembali ke pasaran gelap.

"Bagi memastikan barang kes gading gajah ini

Negara import gading haram

1. Vietnam
2. Cina
3. Hong Kong

• Lupus guna kaedah pembakaran
• Dapat kerjasama JKDM dan Perhilitan



dilupus dengan teratur dan selamat, pihak Kualiti Alam Sdn Bhd memilih untuk menggunakan kaedah sistem *incinerator* melalui teknologi tanur berputar yang beroperasi pada suhu melebihi 1,000 darjah

Celsius," katanya. Menurutnya, KATS melalui Jabatan Perhilitan akan terus bekerjasama dengan JKDM dalam membantaras jenayah penyeludupan hidupan liar di pintu pintu masuk negara.

"Komitmen berterusan juga akan dilakukan dengan semua pihak dan oleh yang demikian orang awam serta Pertubuhan Bukan Kerajaan (NGO) diminta memaikan peranan aktif dalam bidang kesedaran awam dan penguatkuasaan bagi membantu kerajaan menangani isu perdagangan gading ini," katanya.

Untuk rekod, Kualiti Alam Sdn Bhd pernah terlibat dalam pelupusan barang kes sisik tenggiling pada 6 Disember 2018 dan pelupusan barang kes gading gajah Afrika pada 14 April 2016.